

## **Ffurflen Gais am Fathodyn Glas**

Dylai'r ffurflen hon gael ei chwblhau gan ymgeiswyr:

- os ydynt yn methu cerdded neu'n cael cryn drafferth cerdded,  
**ac**
- mae ganddynt **anabledd dros dro ond sylweddol** sy'n debygol o bara am y **12 mis nesaf**.

Cwblhewch adran 1 a 2 isod cyn ich bod yn gwirio a llofnodi'r datganiadau yn adran 3. Nodwch y bydd hefyd angen i chi ddarparu dogfennau priodol i gadarnhau eich cyfeiriad a hunaniaeth.

Os ydych yn cwblhau'r ffurflen ar ran ymgeisydd sydd o dan 16 mlwydd oed, neu sy'n methu cwblhau'r ffurflen ei hun, rhowch ei fanylion yn yr adrannau priodol isod a llofnodwch y ffurflen ar ei ran.

-----

## Adran 1 – Gwybodaeth am yr ymgeisydd

Teitl (dewiswch)	Mr / Mrs / Miss / Ms / Arall:.....
Enw cyntaf	
Cyfenw	
Cyfenw adeg eich genedigaeth (os yw'n wahanol)	
Dyddiad geni (DD/MM/BBBB)	
Man geni	Tref:  Gwlad:
Rhif Yswiriant Gwladol	
Cyfeiriad cyfredol	
Cod post	
Manylion cyswllt	Rhif ffôn cartref: Rhif ffôn symudol: E-bost:
Cyfeiriad blaenorol, os yw'n wahanol o fewn y tair blynedd diwethaf	
Cod post	

**At ddibenion gorfodi, enwebwch rif(au) cofrestru cerbyd y prif geir yr ydych yn bwriadu defnyddio'r Bathodyn Glas ynddynt:** (Dylid enwebu hyd at dri rhif cofrestru, ond cofiwch y gellir defnyddio cerbydau eraill)

--	--	--

### Adran 2 – Amhariad Dros Dro

Dewiswch o'r canlynol y datganiadau sy'n disgrifio'r diagnosis rydych chi wedi'i gael ar gyfer eich cyflwr, a pha mor hir mae'n debygol o bara:

Ticiwch	Cyflwr/Amhariad	Amser gwella amcangyfrifedig
	Rwy'n gwella o doriad cymhleth i'r goes, sydd o bosibl yn cael ei reoli â chyfarpar sefydlogi allanol	
	Rwy'n mynd trwy therapi er mwyn gwella o strôc neu anafiad i'r pen sydd wedi cael effaith ar fy symudedd	
	Rwy'n mynd trwy therapi er mwyn gwella o drawma i'r asgwrn cefn, sydd wedi peri colli symudedd yn y coesau	
	Rwy'n mynd trwy ymyrraeth feddygol, er enghraifft, i drin canser, sy'n cael effaith ar fy Symudedd	
	Mae gennyf amhariadau difrifol ar y goes, ac rwy'n aros am gymal newydd, neu wedi cael un (e.e. un pen-glin newydd neu'r ddau, un glun newydd neu'r ddwy ac ati)	
	Arall, disgrifiwch:	

Rhowch fanylion unrhyw weithwyr iechyd proffesiynol rydych chi wedi eu gweld a fyddai'n gallu cefnogi eich cais. Gall y rhain gynnwys:

Llawfeddyg

Therapyddion galwedigaethol

Tîm adsefydlu gwasanaethau cymdeithasol

Gweithwyr iechyd proffesiynol sy'n darparu gwasanaethau arbenigol, e.e. ffisiotherapydd

Nyrs Macmillan neu nyrsys eraill sy'n cyfrannu at ofal cleifion.

Enw	Teitl y swydd	Ysbyty / Canolfan Iechyd	Rhif ffon	Dyddiad yr apwyntiad nesaf

### Adran 3 – Datganiadau a llofnodion

#### Datganiadau gorfodol am yr wybodaeth rydych wedi'i darparu a'r broses ymgeisio

- Darllenwch y datganiadau canlynol yn ofalus.
- Ticiwch yr holl flychau perthnasol i nodi eich bod wedi darllen a deall pob datganiad.
- Mae'n bosibl y bydd methu â thicio un o'r datganiadau hyn yn golygu na fyddwn yn gallu ystyried eich cais.
- Gallai darparu gwybodaeth dwyllodrus arwain at erlyn a dirwy.

Bydd yr holl ddogfennau perthnasol i'r cais hwn yn cael eu trin yn unol â Rheoliadau Diogelu Data Cyffredinol 2018 ac mae'n bosibl y byddant yn cael eu rhannu o fewn yr awdurdod lleol, gydag awdurdodau lleol eraill, yr heddlu a swyddogion gorfodi parcio er mwyn datgelu ac atal twyll. Ystyrir unrhyw wybodaeth feddygol yr ydych wedi'i rhoi i gefnogi'r cais hwn, o dan y Rheoliadau Diogelu Data yn "ddata personol sensitif". Nis datgelir i drydydd parti oni bai ei bod yn angenrheidiol er mwyn gweithredu a gweinyddu Cynllun y Bathodyn Glas, ac i asiantaethau ac adrannau eraill y llywodraeth i ddilysu prawf o hawl neu fel sy'n ofynnol fel arall o dan y gyfrait.

Datganiadau i'w cwblhau gan **BOB** ymgeisydd neu enwebai

Rwy'n cadarnhau bod y manylion a ddarparwyd, hyd y gwn i, yn gyfan ac yn gywir. Sylweddolaf y gallwch weithredu yn fy erbyn os oes gwybodaeth anghywir wedi'i darparu yn y ffurflen gais hon.	
Rwy'n deal bod yn rhaid i mi roi gwybod i fy awdurdod lleol yn brydlon am unrhyw newidiadau sy'n effeithio ar fy hawl i fathodyn.	
Rwy'n cadarnhau bod y ffotograff a anfonais gyda fy nghais yn debygrwydd gwir.	
Rwy'n deall, pe bai fy nghais yn llwyddiannus, bod rhaid i mi beidio â chaniatáu i unrhyw un arall ddefnyddio'r bathodyn er ei fudd ei hun, ac mae'n rhaid i mi ddefnyddio'r bathodyn yn unol â rheolau'r cynllun yn unig, fel y'u hamlinellir yn llyfryn "Cynllun y Bathodyn Glas – Hawliau a Chyfrifoldebau yng Nghymru" a anfonir ataf gyda'r bathodyn.	
<b>Gallai ceisiadau twyllodrus neu gamddefnyddio bathodyn arwain at ddirwy o £1,000 a/neu fforffedu'r bathodyn.</b>	

Rwy'n deall bod rhaid i mi beidio â bod â mwy nag un Bathodyn Glas dilys ar unrhyw adeg.	
Rwy'n cadarnhau nad wyf yn ddeiliad Bathodyn Parcio Glas Person Anabl a gyhoeddwyd gan awdurdod lleol gwahanol.	
Deallaf y byddwch yn trin yr holl ddogfennau perthnasol i'r cais hwn yn unol â Rheoliadau Diogelu Data Cyffredinol 2018, ac y gallwch eu rhannu gydag awdurdodau lleol eraill, yr heddlu a swyddogion gorfodi parcio er mwyn datgelu ac atal twyll.	
Rwy'n deall efallai y bydd angen i chi gysylltu â gweithiwr proffesiynol achrededig o fewn y gwasanaethau iechyd, gofal cymdeithasol neu addysg er mwyn cael mwy o wybodaeth i gefnogi'r cais hwn.	
Lle bo angen gwybodaeth bellach, deallaf y gallai fod gofyn i mi fynychu cyfweiliad wyneb yn wyneb ag aelod o dîm y Bathodyn Glas, er mwyn penderfynu a ydw i'n gymwys i dderbyn Bathodyn Glas.	

**Eich llofnod yn erbyn y datganiadau**

Eich llofnod	
Printiwch eich enw	
Dyddiad y cais	

**Os ydych chi'n gwneud cais ar ran person arall, nodwch eich perthynas â hwy.**

	<b>Perthynas</b>
Gwarcheidwad Swyddogol	
Pŵer Atwrnai	
Cyfrifoldeb Rhiant	
Arall (Disgrifiwch)	

Os ydych chi wedi gwneud cais am Fathodyn Glas ar ran person arall, rhaid i chi fod yn ymwybodol y gallai defnyddio'r Bathodyn Glas yn groes i'r rheolau sy'n llywodraethu'r cynllun arwain at erlyniad, dirwy a thynnu'r Bathodyn Glas yn ôl.

### Rhestr wirio o ddogfennau y gallai fod angen i chi eu hamgáu, os ydynt yn berthnasol

Rydym wedi darparu rhestr wirio isod i helpu i'ch atgoffa ynghylch pa wybodaeth sydd angen i chi ei hamgáu.

Prawf o'ch cyfeiriad, dyddiedig yn y 12 mis diwethaf (os nad ydych chi wedi rhoi caniatâd i ni edrych ar gofnodion y Dreth Gyngor/cofrestr etholiadol/cofnodion ysgol)	
Prawf o bwy ydych chi	
Ffotograff yn null llun pasbort ohonoch chi eich hun gyda'ch enw ar y cefn	
Llythyr ategol gan y gweithiwr iechyd proffesiynol a enwir yn adran 2*	

\*Noder os nad ydych chi'n gallu darparu tystiolaeth ategol mae'n bosibl y byddwch chi'n cael eich gwahodd i fynd trwy asesiad pellach.

## Nodiadau cyfarwyddyd

Bydd eich cais yn cael ei wirio gan yr awdurdod lleol a bydd gweithiwr proffesiynol achrededig o fewn y gwasanaethau iechyd, gofal cymdeithasol neu addysg yn cael ei gysylltu i gael rhagor o wybodaeth i gefnogi'r cais hwn.

Mae'r datganiadau yn cynnwys adran i chi gytuno â hyn.

Prawf o bwy ydych chi:

Mae angen i ni wirio eich hunaniaeth i leihau'r posibilrwydd o dderbyn ceisiadau twyllodrus am Fathodyn Glas. Rhaid i chi atodi llungopi ardystiedig o un o'r canlynol yn brawf o bwy ydych chi:

- Tystysgrif geni neu fabwysiadu
- Tystysgrif priodas neu ysgariad
- Tystysgrif partneriaeth sifil neu ddiddymu
- Pasbort
- Trwydded yrru ddilys
- Bathodyn Glas cyfredol
- Cerdyn Teithio Rhatach

**Dogfennau adnabod** sy'n cynnwys **ffotograff** sydd orau, ond cysylltwch â'ch awdurdod lleol os nad ydych yn gallu darparu un o'r uchod.

Llungopi ardystiedig yw llungopi o ddogfen sydd wedi'i wirio fel y gwirionedd gan unigolyn dros 18 oed nad yw'n bartner i chi nac yn aelod o'r teulu ac sydd wedi'ch adnabod chi am o leiaf dwy flynedd.

Dylai'r unigolyn sy'n ardystio'r dogfennau gynnwys y geiriau: "Mae'r copi hwn yn debygrwydd gwir o'r gwreiddiol" ochr yn ochr â'i lofnod. Dylai hefyd roi ei enw mewn prif lythrennau a'i alwedigaeth ochr yn ochr â'r wybodaeth hon.

Dyma enghreifftiau o'r math o unigolyn a fyddai'n addas:

cyfrifydd	Ynad Heddwch	swyddog heddlu
swyddog mewn banc neu gymdeithas adeiladu bargyfreithiwr	tafarnwr	gweithiwr cymdeithasol
	swyddog llywodraeth leol	cyfreithiwr
cynghorydd (lleol neu sir)	nyrs (nyrs gyffredinol gofrestredig a nyrs iechyd meddwl gofrestredig)	syrfêwr
gwas sifil	swyddog yn y lluoedd arfog	athro, darlithydd
deintydd	optegydd	swyddog undeb llafur
swyddog y gwasanaeth tân	fferyllydd	

### Ffotograff:

Gellir darparu'r ffotograff yn electronig i'r awdurdod lleol ar ffurf JPEG. Rhaid i'r ffotograff fod â diffiniad cryf rhwng yr wyneb a'r cefndir **a chyn belled ag sy'n ymarferol**, rhaid iddo fod:

- mewn lliw
- yn 45 milimetr o uchder a 35 milimetr o led (maint pasbort)
- wedi'i dynnu **o fewn mis** cyn dyddiad y cais
- yn erbyn cefndir lliw llwyd golau neu hufen
- heb ddifrod
- heb unrhyw "lygaid coch", cysgodion, llacharedd neu adlewyrchiad o sbectol
- o ben llawn y deiliad (heb fod unrhyw un arall i'w weld nac unrhyw orchudd, oni bai ei fod yn cael ei wisgo oherwydd credoau crefyddol neu achosion meddygol)
- yn wynebu tuag ymlaen
- heb ddim yn gorchuddio'r wyneb
- yn edrych yn syth at y camera
- yn ddifynegiant â'r geg ar gau
- â'r llygaid ar agor ac i'w gweld yn glir (heb sbectol haul neu sbectol â lliw, a heb wallt neu ffrâm sbectol yn cuddio'r llygaid)
- mewn ffocws siarp ac yn hollol glir
- wedi'i argraffu'n broffesiynol neu mewn fformat digidol
- yn debygrwydd gwir, heb ei newid.

### Cyfeiriad:

Dylai prawf o'ch cyfeiriad fod ar ffurf bil gwreiddiol y Dreth Gyngor gyda'ch enw a'ch cyfeiriad chi arno. Rhaid cyflwyno'r gwreiddiol gyda'ch cais ac fe'i dychwelir ar ddiwedd y broses ymgeisio. Os yw hyn yn anodd, bydd angen i chi ofyn i'ch awdurdod lleol i weld a fyddant yn derbyn copïau ardystiedig.

Ni fydd rhaid i chi gyflwyno bil y Dreth Gyngor os ydych wedi rhoi tic yn y blwch priodol yn Adran 1, sy'n rhoi eich caniatâd i'r awdurdod lleol wirio'ch cyfeiriad ar gofnodion y Dreth Gyngor neu gofrestr etholiadol.

Os ydych yn llenwi'r ffurflen gais ar ran rhywun o dan 16 oed, dylech roi eich caniatâd i'r awdurdod lleol wirio cofnodion ysgol i gadarnhau ei gyfeiriad.

### Ffi cyhoeddi'r Bathodyn Glas:

Ni chodir tâl ar ddeiliad y Bathodyn Glas pan fydd bathodyn yn cael ei gyhoeddi gyntaf, ond gellir codi ffi o hyd at £10 am fathodynau yn lle bathodyn sydd wedi'i gollu, ei ddwyn neu ei ddifrodi i'r fath raddau fel na ellir ei ddarllen gan bobl a fydd yn gwirio'r bathodyn pan ddefnyddir ef ar gyfer parcio neu gonsesiynau eraill.

Mae'n bosib y bydd eich awdurdod lleol yn gofyn am gynnwys manylion cerdyn credyd/debyd a/neu siec gyda'r ffurflen gais yn barod i dalu, os yw eich cais yn llwyddiannus. Bydd eich awdurdod lleol yn cyhoeddi Bathodyn Glas i ymgeiswyr llwyddiannus unwaith y derbynnir y ffi ofynnol yn unig.



### **Gwybodaeth arall:**

Dylech hefyd ddarparu rhifau cofrestru cerbyd hyd at dri cherbyd y byddwch yn fwyaf tebyg o ddefnyddio Bathodyn Glas ynddynt, pe bai eich cais yn llwyddiannus. Mae'r wybodaeth hon yn helpu awdurdodau lleol wrth orfodi rheolau Cynllun y Bathodyn Glas, ond nodwch y gallwch ddefnyddio Bathodyn Glas mewn cerbydau eraill hefyd.

**Gwasanaeth** Trawsnewid Corfforaethol

**Teitl y Tîm** Cyswllt Môn

**Sut ydym yn defnyddio eich gwybodaeth bersonol**

Mae gennych hawl i wybod am y ffordd rydym yn defnyddio gwybodaeth sydd gennym amdanoch chi. Darllenwch y wybodaeth ganlynol os gwelwch yn dda gan ei bod yn cyfeirio at hawliau ychwanegol y dylech wybod amdanynt.

Cyngor Sir Ynys Môn yw'r rheolydd data ar gyfer eich gwybodaeth. Mae hyn yn golygu bod y Cyngor yn diogelu eich gwybodaeth ac yn penderfynu sut y caiff ei defnyddio. Y term cyfreithiol am ddefnyddio gwybodaeth yw prosesu. Hefyd, y term cyfreithiol am wybodaeth amdanoch chi yw *data personol*.

Yn ogystal, mae Allied Publicity Services(Manchester)Limited ac Valtech hefyd yn reolwyr data. Eu cyfeiriadau yw APS Group Chetham House, Bird Hall Lane, Cheadle Heath, Cheshire, SK30 0ZP ac Valtech 46 Colebrooke Row,London, NY 8AF.

Bydd y Cyngor yn defnyddio eich gwybodaeth bersonol i:

Rheoli ymholiadau Tai

Darpariaeth o Addysg

Gweinyddu'r asesiad a'r casglu o drethi, i gynnwys Refeniw, budd-dal a Grantiau

Gweinyddu ac asesu trwyddedau a chofrestrau

Gweinyddu'r Bathodyn Glas

Rheoli cofnod archifol er mwyn rhesymau hanesyddol neu er mwyn ymchwil

Cynllunio, yn cynnwys ceisiadau

Mentrau twyll lleol

Defnydd o deledu cylch cyfyng

Taliadau

Casglu data ar gyfer System Rheoli Cwsmer corfforaethol yn cynnwys, enw, cyfeiriad, dyddiad geni, rhif yswiriant gwladol, e-bost, rhif ffôn, hanes trafodaethol, dewis iaith, (am wybodaeth ychwanegol, plis gwelwch Nodyn Preifatrwydd Digidol)

Efallai creu cyfrifon ar rhan sefydliadau allanol, gyda caniatâd y cwsmer

Pryderon, Cwynion, Canmoliaeth neu Ymholiadau,

dyma'r diben a fwriedir o brosesu. Ni fydd y wybodaeth hon yn cael ei defnyddio at ddibenion nad ydynt yn gydnaws â pham y cafodd ei chasglu yn y lle cyntaf.

Ni fydd y Cyngor yn defnyddio eich gwybodaeth ar gyfer gwneud penderfyniadau awtomataidd neu broffilio. Mae proffilio yn golygu unrhyw fath o brosesu awtomataidd ar eich data personol er mwyn gwerthuso neu ddadansoddi neu ragfynegi pethau amdanoch chi. Gallai hyn gynnwys eich sefyllfa economaidd, iechyd, tueddiadau personol, diddordebau neu ymddygiad.

Bydd y Cyngor yn trosglwyddo eich gwybodaeth bersonol i wlad (neu Sir) arall, dim ond os bydd angen trosglwyddo parthed bathodyn glas dilys, gyda chaniatâd y person sydd yn berchen y bathodyn.

Mae'r Cyngor yn casglu ac yn defnyddio eich gwybodaeth bersonol am fod ganddo ddyletswydd neu hawl gyfreithiol i wneud hynny; neu i berfformio tasg sydd er budd cyhoeddus; neu am eich

bod wedi rhoi eich caniatâd. Y term cyfreithiol am hyn yw'r *sail gyfreithiol o brosesu*.

Yn yr achos hwn, mae'r Cyngor yn defnyddio eich gwybodaeth bersonol am eich bod wedi rhoi eich caniatâd llwyr i'r prosesu. Nodwch os gwelwch yn dda, gan eich bod wedi cytuno i'r prosesu, mae gennych hawliau ychwanegol, sy'n cael eu hegluro isod.

Bydd y Cyngor yn casglu ac yn rhannu gwybodaeth gyda chyrrff cyhoeddus a fydd yn cynnwys rhywfaint o ddata personol. Nodwch os gwelwch yn dda y bydd y Cyngor yn casglu ac yn rhannu data gydag Archwilydd Cyffredinol Cymru (AGW) mewn perthynas â'i waith a'i astudiaethau archwilio. Bydd data'n cael ei rannu hefyd yn unol â'r ddyletswydd a nodir yn Adran 33 Mesur Llywodraeth Leol (Cymru) 2009.

Ni fydd y wybodaeth bersonol rydych yn ei darparu yn cael ei rhannu gydag unrhyw sefydliadau eraill, heblaw fod perchennog Bathodyn Glas dilys yn gofyn, ac yn yr achosion hyn bydd y wybodaeth am drosglwyddiad i Sir arall, lle mae'r perchennog yn mynd i gartrefu, yn digwydd.

Bydd y wybodaeth a roddwch yn cael ei chadw am amser sy'n ofynnol neu'n angenrheidiol, a chaiff ei dinistrio'n ddiogel. Mae'r cyfnodau cadw wedi eu nodi yn rhestr y Cyngor o gyfnodau cadw, a gelwir hon yr atodlen gadw. Am wybodaeth bellach cysylltwch â'r Swyddog Diogelu Data os gwelwch yn dda.

Mae gennych chi hawliau cyfreithiol, ac mae'n bwysig eich bod yn gwybod beth ydynt.

**Mae gennych yr hawl i gael cadarnhad fod gwybodaeth amdanoch chi yn cael ei defnyddio.** Bydd y Cyngor yn darparu cadarnhad os gofynnwch amdano.

**Mae gennych yr hawl i gael copi o'ch data personol.** Darperir copïau o'ch data personol i chi o fewn y cyfnod statudol o un mis (neu, os yw darparu eich data personol yn fater cymhleth, fe wneir hyn cyn gynted ag sy'n rhesymol o fewn 3 mis). Darperir eich data personol yn rhad ac am ddim i chi, fodd bynnag, os tybir fod eich cais yn *amlwg yn ddi-sail* neu'n *ormodol*, codir ffi resymol arnoch. Cewch ofyn i gael eich data personol trwy gysylltu â Swyddog Diogelu Data'r Cyngor.

**Mae gennych yr hawl i ofyn am gael cywiro gwybodaeth amdanoch chi. Gelwir hyn yr hawl am gywiriad.** Mae gennych yr hawl i ofyn am i'ch data personol gael ei gywiro os yw'n anghywir neu'n anghyflawn. Fe wneir hyn o fewn 1 mis, neu os yw eich cais yn fwy cymhleth, o fewn 3 mis.

**Yr hawl i gael dileu data personol.** Mae gennych yr hawl i ofyn am i ddata personol gael ei ddileu mewn amgylchiadau penodol:

- Pan nad yw'r data personol bellach yn angenrheidiol mewn perthynas â'r diben o'i gasglu/prosesu yn wreiddiol;
- Os ydych yn tynnu eich caniatâd yn ôl
- Pan ydych yn gwrthwynebu'r prosesu gan y Cyngor ac nad oes unrhyw fudd cyfreithlon sy'n drech na hynny o barhau â'r prosesu;
- Os cafodd y data personol ei brosesu'n anghyfreithlon;
- Pan fo rhaid dileu'r data personol er mwyn cydymffurfio â rhwymedigaeth gyfreithiol; neu
- Pan fo'r data personol yn cael ei brosesu mewn perthynas â chynnig *gwasanaethau cymdeithas wybodaeth* i blant, er enghraifft "app" a ddatblygir yn benodol i blant.

**Yr hawl i gyfyngu ar brosesu.** Pan honnir fod data yn *anghywir* neu fod yr *hawl i ddileu* wedi cael ei weithredu, gallwch ofyn i'r Cyngor gyfyngu prosesu hyd nes bod gwiriadau dilysu wedi cael eu cwblhau.

**Yr hawl i wrthwynebu.** Yn ogystal â'r hawl i wrthwynebu bod eich gwybodaeth yn cael ei defnyddio at farchnata uniongyrchol, mae gennych yr hawl i wrthwynebu prosesu sy'n seiliedig ar berfformio tasg er budd cyhoeddus/defnyddio awdurdod swyddogol (yn cynnwys proffilio), a phrosesu at ddibenion ymchwil gwyddonol/hanesyddol ac ystadegau.

**Hawliau mewn perthynas â gwneud penderfyniadau awtomataidd.** Mae gennych yr hawl i beidio bod yn destun penderfyniadau sy'n seiliedig yn llwyr ar brosesu awtomataidd, yn cynnwys proffilio, sy'n cynhyrchu effeithiau cyfreithiol arnoch chi neu'n effeithio arnoch mewn modd sylweddol.

### Sut i gysylltu â ni

Cysylltwch os gwelwch yn dda gyda'n Swyddog Diogelu Data drwy e-bost, post neu ffôn os oes gennych unrhyw ymholiadau am y polisi preifatrwydd hwn neu'r wybodaeth yr ydym yn ei chadw amdanoch chi. Gellir cysylltu gyda Swyddog Diogelu Data (SDD) y Cyngor drwy e-bost:

DPO@anglesey.gov.uk neu SDD@ynysmon.gov.uk . Rydym yn gobeithio y gall ein SDD ateb unrhyw ymholiad neu ddatrys unrhyw bryder a fydd gennych am y modd yr ydym yn defnyddio eich gwybodaeth bersonol. Mae'r Rheoliad Diogelu Data Cyffredinol hefyd yn rhoi i chi'r hawl i gyflwyno cwyn i awdurdod goruchwyliol yn y man yr ydych yn gweithio, yn byw fel arfer neu ble y digwyddodd unrhyw achos o dorri'r cyfreithiau diogelu data. Yr awdurdod goruchwyliol yn y DU yw'r Comisiynydd Gwybodaeth a gellir cysylltu <https://ico.org.uk/concerns>

Swyddfa'r Comisiynydd Gwybodaeth,

Wycliffe House

Water Lane

Wilmslow

Sir Gaer SK9 5AF

E-bost: casework@ico.gsi.gov.uk

Rhif Ffôn: 0303 123 1113.

**Cyhoeddwyd y Rhybudd Preifatrwydd ar 24/05/18 a'i ddiweddarau diwethaf ar (Mai 2018)**